

THE AMERICAN CENTER

THE PUBLIC AFFAIRS SECTION OF THE
EMBASSY OF THE UNITED STATES OF AMERICA
Momenshahi House
House 110, Road 27, Banani
Dhaka 1213, Bangladesh



Tel: 880-2-8837150-4
Fax: 880-2-9881677, 9885688
e-mail: DhakaPA@state.gov
website: dhaka.usembassy.gov

Press Release

ঘূর্ণিবাড় পরবর্তী আগ কার্যক্রমে সহায়তা করার জন্য ইউএসএস কিয়ারসার্জ এসে পৌছেছে

ঢাকা, ২৪শে নভেম্বর -- গতকাল ২৩শে নভেম্বর এক দিনের সফরে ঢাকায় এসে যুক্তরাষ্ট্র প্যাসিফিক কম্যান্ড-এর অধিনায়ক অ্যাডমিরাল টিমোথি কিটিং ঘোষণা করেন যে ঘূর্ণিবাড় সিডর-এর কারণে উদ্ভৃত পরিস্থিতিতে আগ কার্যক্রমে সহায়তা করার জন্য সে দেশের জাহাজ ইউএসএস কিয়ারসার্জ বাংলাদেশের উপকূলের অদূরে এসে পৌছেছে। বাংলাদেশী কর্তৃপক্ষকে সহায়তা ও সহযোগিতা দেয়ার জন্য এই পুরো কার্যক্রমের সার্বিক তত্ত্বাবধানে থাকবেন 'মেরিন এক্সপিডিশনারি বিগেড'-এর মেরিন বিগেডিয়ার জেনারেল রোনাল্ড বেইলি।

চলমান আগ তৎপরতা এবং যুক্তরাষ্ট্র সেখানে কিভাবে সহায়তা করতে পারে তা নিয়ে আলোচনা করার জন্য অ্যাডমিরাল কিটিং, বিগেডিয়ার জেনারেল বেইলি, বাংলাদেশে যুক্তরাষ্ট্রের ভারপ্রাপ্ত রাষ্ট্রদূত গীতা পাসি এবং যুক্তরাষ্ট্রের অন্যান্য কর্মকর্তারা বাংলাদেশ সেনাবাহিনী প্রধান জেনারেল মইন উ আহমেদ এবং বাংলাদেশ সশস্ত্র বাহিনীর অন্যান্য কর্মকর্তাদের সাথে দেখা করেন। এই সহায়তা কার্যক্রম চলাকালে যুক্তরাষ্ট্রের সেনাদের সাথে একত্রে কাজ করার জন্য বাংলাদেশ সেনাবাহিনী থেকে লিয়াজোঁ অফিসারদের নিয়োগ করতে তারা একমত হন।

ঘূর্ণিবাড়ে প্রাণহনির জন্য বাংলাদেশের জনগণের প্রতি শোক প্রকাশ করে অ্যাডমিরাল কিটিং চলমান আগ তৎপরদায় নিয়োজিত যুক্তরাষ্ট্রের ও বাংলাদেশের বিভিন্ন সংস্থাকে সহায়তা করার প্রতিশ্রূতি ব্যক্ত করেন। ঘূর্ণিবাড় উপদ্রুত এলাকায় যে সব হাজার হাজার গ্রামে পানীয় জল নষ্ট হয়ে গেছে যুক্তরাষ্ট্র সে সব এলাকায় বিশুদ্ধ পানি সরবরাহ করতে সহায়তা করবে। এ ছাড়াও, কিয়ারসার্জ-এর মেডিক্যাল টিম ওই সকল এলাকার জনসাধারণের প্রয়োজনীয় চিকিৎসা সহায়তা দেয়ার জন্য মোতায়েন করা হবে।

সিডর-এ আক্রান্ত এলাকাগুলোর মধ্যে যে সব জায়গায় বিশুদ্ধ পানির সরবচেয়ে বেশি দরকার সে সব জায়গার প্রয়োজন মেটানোর জন্য যুক্তরাষ্ট্র ইতিমধ্যেই পানি বিশুদ্ধকরণ ব্যবস্থা (ওয়াটার পিউরিফিকেশন সিস্টেম) সরবরাহ করতে শুরু করেছে। যুক্তরাষ্ট্র সরকারের মূল বৈদেশিক সহায়তা সরবরাহকারী প্রতিষ্ঠান যুক্তরাষ্ট্র আন্তর্জাতিক উন্নয়ন সংস্থা (ইউএসএআইডি) বেসরকারী সংস্থাগুলোর মাধ্যমে এ পর্যন্ত দশটি 'ওয়াটার পিউরিফিকেশন সিস্টেম' সরবরাহ করেছে। এগুলোর প্রতিটি দিনে দশ

হাজার থেকে পনের হাজার লিটার পর্যন্ত পানি বিশুদ্ধ করতে পারে। আগামী কয়েক দিনের মধ্যে আরো চারটি ‘ওয়াটার পিউরিফিকেশন সিস্টেম’ এসে পৌছাবে বলে আশা করা হচ্ছে।

ইউএসএস কিয়ারসার্জ যা এর আগে ভারত মহাসাগরে অবস্থান করছিল, বাংলাদেশকে সহায়তা দেয়ার জন্য তা বঙ্গোপসাগর অভিযুক্ত রওনা দিয়ে ২৩শে নভেম্বর বাংলাদেশের উপকূলে এসে পৌছেছে। মানবিক ত্রাণ তৎপরতায় সহায়তা দিতে সক্ষম এই যুদ্ধ জাহাজটিতে ২০টি হেলিকপ্টার রয়েছে যেগুলো ত্রাণ ও পুনর্বাসন কার্যক্রমে ব্যবহৃত হতে পারে এবং খাদ্য, পানি ও চিকিৎসা সামগ্রী নিয়ে প্রত্যন্ত অঞ্চলগুলোতে পৌছাতে বাংলাদেশ সামরিক বাহিনীকে সহায়তা করতে পারে। চারটি প্রধান এবং দু'টি ইমার্জেন্সি অপারেটিং রুম, এক্স-রে করার সুবিধা, গবেষণাগার, এবং ইন্টেনসিভ কেয়ার ওয়ার্ড সুবিধাসহ এই জাহাজে উল্লেখযোগ্য পরিমাণ চিকিৎসার সুযোগ-সুবিধা রয়েছে। ১৯৯৩ সালে কমিশন করা এই জাহাজটির ঘাঁটি ভার্জিনিয়ার নরফোক-এ।

এ সংক্রান্ত অতিরিক্ত কোন তথ্যের জন্য ঢাকাস্থ যুক্তরাষ্ট্র দূতাবাসের www.dhaka.usembassy.gov/cyclone_sidr.html ‘সাইক্লোন সিড্র রিলিফ পেজ’ দেখুন অথবা যুক্তরাষ্ট্র দূতাবাসের ৮৮৫-৫৫০০ নম্বরে পাবলিক অ্যাফেয়ার্স অফিসের সাথে যোগাযোগ করুন।

=====

জিআর/ ২০০৭